

**Kalaallit Nunaanni eqqartuusseqataasartut ilisimannittullu il.il.
anigaasarsiaat ajunngitsorsiaallu pillugit nalunaarut**

Kalaallit Nunaanni eqqartuussisarnermik inatsimmi § 39 aamma § 160, imm. 1, tak. inatsit nr. 305, 30. april 2008-meersoq, naapertorlugu aalajangersarneqarpoq:

§ 1. Eqqartuusseqataasartut ulluni tamani eqqartuussinerni akunnerit sisamat tikillugit sivilissusilinni peqataanerminnut 700 kr.-inik anigaasarsiaqartinneqassapput aamma ulluni tamani eqqartuussinerni akunnerit sisamat sinnerlugit sivilissusilinni 1.100 kr.-inik anigaasarsiaqartinneqassallutik, taamaattorli tak. imm. 2.

Imm. 2. Taamaattorli eqqartuussineq arfininngornermi, sapaammi nalliuttuniluunniit ingerlanneqarpat eqqartuussinerni akunnerit sisamat tikillugit sivilissusilinni peqataanermit anigaasarsiat 1.050 kr.-iupput eqqartuussinernilu akunnerit sisamat sinnerlugit sivilissusilinni peqataanermit 1.650 kr.-iullutik.

Imm. 3. Eqqartuusseqataasartut sumiiffimmi eqqartuussinerup ingerlanneqarfiani najugaqanngitsut ulluni tamani suliaminnik ingerlatsinerminni angerlarsimaffimmik qimassimasariaqarnerani imm. 1 aamma 2 malillugu anigaasarsiaqarsinnaatitaapput.

§ 2. Ilisimannittut piffissami ilisimannittut nassuiaasussanngortinneqartut ilisimannittut nassuiaasussanngortinneqarnerminni najukkamik suliffimmilluunniit qimattariaqarnerani ajunngitsorsiaqartinneqassapput, taamaattorli ullormut sivilinnerpaamik akunnermit ataatsimut sivilunerpaamillu akunnernut arfineq pingasunut. Anigaasaqarnermit Ministeriaqarfiup aammalu Sulinermik Inuussutissarsiuteqartut Kattuffiata akornanni sulisartunut ilinniarsimanningsunut akunnermusiarititaq pillugu isumaqatigiissut naapertorlugu ajunngitsorsiasat annertussusilerneqassapput.

Imm. 2. Ilisimannittoq imm.1-imi ajunngitsorsiasat taaneqartut sinnerlugit anigaasartuuteqarsimasoq annaasaqarsimasorluunniit paasineqarpat pissutsit immikkut ittut tunngavissaqalersippasuk ilisimannittoq tamatumunnga eqqartuussivimmit immikkut ajunngitsorsiaqartinneqarsinnaavoq.

§ 3. Aammattaaq eqqartuusseqataasartut ilisimannittullu Kalaallit Nunaanni Namminersornerullutik Oqartussani kommuninilu tjenestemandinut il.il. maleruaqqusat sukkulluunniit atuuttut malillugit akunninnermut nerisaqarnermullu ajunngitsorsiassaqaarsinnaatitaapput.

§ 4. Nalunaarut manna ulloq 1. januar 2010 atuutilerpoq.

Imm. 2. Tamatuma peqatigisaanik Kalaallit Nunaanni eqqartuussinerni suliassanik suliarinnittarnermut atasumik aningaasartuutit akilerneqartarnerat pillugu nalunaarut nr. 1030, 13. december 2001-imeersoq atorunnaarsinneqarpoq.

Domstolsstyrelsi, ulloq 16. december 2009

ADAM WOLFF

/ Niels Juhl